



АКАФИСТ

Ангелу
Хранителю



Тропарь, глас 6

А́нгеле Бо́жий,/ храни́телю мой
святы́й,/ живóт мой соблюди́ во
стра́се Христа́ Бо́га,/ ум мой утверди́
во и́стиннем пути́,/ и к любви́ го́рней
уязви́ ду́шу мою́/ да тобо́ю направ-
ляе́м// получи́ от Христа́ Бо́га ве́лию
ми́лость.

Кондак, глас 4

Яви́ся мне милосе́рд,/ святы́й
А́нгеле Господень, храни́телю мой,/ и
не отлуча́йся мене́ скве́рнаго,/ но
просвети́ мя све́том неприкосно-
ве́нным// и сотвори́ мя досто́йна Ца́р-
ствия Небе́снаго.



Акафист Ангелу Хранителю

Кондак 1

Избранный от Господа Бога на хранение души моея и телесé, святый Ангеле, похвальная ти воспевати дерзаю, недостойный раб твой; ты же, яко имей дерзновение к Царю Небесному, от всяких бед и скорбей, от враг видимых же и невидимых защити, зовуща:

Радуйся, Ангеле Господень, неусыпаемый хранителю мой.

Икос 1

Ангеле святый, посланный с Небесé, во еже хранити мя и руководити во всей жизни моей, припадая молю ти ся:



**сам наста́ви и вразуми́ мя, начина́юща
от серде́чных любве́ и усер́дия возгла-
ша́ти пе́сенныя ти хвалы́:**

**Ра́дуйся, А́нгеле Бо́жий, предста́-
телю мой у Пресвяты́я Трѳицы;
ра́дуйся, Царя́́ ца́рствующих
безплѳтны́й воине.**

**Ра́дуйся, Го́спода господа́ствующих
небе́сный слуго́; ра́дуйся, у́мных
и невеще́ственных слуг Его́ сожи́-
телю.**

**Ра́дуйся, творя́й прѳсно во́лю
Влады́ки своего́; ра́дуйся, прие́мый
от Бо́га повеле́ние и власть храни́ти
ду́шу мою́.**

**Ра́дуйся, никогда́же отлуча́йся
мене́ грѳшнаго; ра́дуйся, вѳну спре-
быва́яй ми недостѳйному.**

**Ра́дуйся, соблюда́яй мя на всех путѳх
моѳх; ра́дуйся, сохраня́яй мя от
всяка́го зла.**



**Ра́дуйся, от Бóга да́нный ми руко-
водíteлю на путéх жити́я' моего́;
ра́дуйся, благи́й наста́вниче мой.**

**Ра́дуйся, А́нгеле Господень, неусы-
па́емый хранíteлю мой.**

Кондак 2

**Ви́дев Человеколюбивый Господь,
я́ко, по прегрешéнии праотца на́шего
Ада́ма, вси челове́цы удо́бь прекло́нни
суть ко греху́, по неизрече́нной ми́лости
Свое́й, послáл есть во всю зéмлю
святых А́нгелов, и коему́ждо от человек
приста́ви хранíteля. Исполня́юще у́бо
повелéние Влады́ки своего́, святии
А́нгели всегда́ гото́ви суть помогáти
нам, богоугóдно пою́щим: Аллилу́ия.**

Икос 2

**Ра́зуму моему́ просвещéние свы́ше
исходáтайствуй, святы́й А́нгеле, да**



возмо́гу познати́, что есть во́ля Бо́жия, благáя и соверше́нная, и се́рдце моё напра́ви, е́же со усер́дием твори́ти ю; тебé же, храни́теля моего́, да не преста́ну восхваля́ти сицевы́ми гла́сы:

Ра́дуйся, воспламеня́й се́рдце моё любо́вию к Бо́гу, Созда́телю моемú; ра́дуйся, возбужда́яй мя на всяк день же и час приноси́ти Емú моли́твы, проше́ния и благодарéния.

Ра́дуйся, стра́жем ве́рным, стра́хом Госпо́дним душе́вный мой дом огражда́яй; ра́дуйся, вся помышле́ния моя́ к распя́тому за грехи́ ми́ра Спаси́телю устремля́яй.

Ра́дуйся, страда́ния Его́ и крестную сме́рть в па́мять мою́ вперя́яй; ра́дуйся, воспомина́нием страсте́й Госпо́дних блюсти́ся от грехо́в мя поуча́яй.

Ра́дуйся, благода́тнаго свы́ше



осенѣнія Святаго Духа просіти мя наставляй; радуйся, яко на крѳткія тѳчию и смиренныя сѳрдцем мѳлостивне призира́ти Емѳ, Утѳшителю, уверяй мя.

Радуйся, мѳслию о вездесѳщии Бѳжии всюду окружаяй мя; радуйся, всевѳдение Егѳ ѳмным очесѳм моѳм представляй.

Радуйся, милосѳрдием Егѳ к каѳющимся грѳшником сѳрдце моѳе утешаяй; радуйся, правосѳдием Егѳ к ожесточѳнным и нераскаѳнным дѳшу мою ѳстрашаяй.

Радуйся, А́нгеле Господень, неусыпаѳмый хранѳтелю мой.

Кондак 3

Сѳлу Божѳственныя благодати испросѳ ми, хранѳтелю мой А́нгеле, во ѳже неуклѳнно и непреткновѳнно





ходіти ми спасітельным путём Христовых заповедей, сердцем же и усты́ непрестанно сла́вити всесвятое імя Бóга нашего и пѣти Ему́: Аллилу́ія.

Икос 3

Имам тя, богоизбранный покровителю мой, якоже свѣтлую зарю́, просвѣщающую души́ моя́ темноту́ и разгоняющую мрак сердечнаго невѣдения моего́; сего́ ради, со умилѣнием припада́я, молю́ ти ся, да и вся моя́ чувства, потемнённая страстьми́, очистятся, во еже не блуждати ми во тьме греховней. Пречудную же свѣтлость твою́ воспевáю сѣце:

Рáдуйся, звездó Невечѣрняго Свѣта, от Трисия́ннаго Божества́ возсия́вшая и менѣ вѣну озаря́ющая; рáдуйся, пресвѣтлый луч, помрачѣнная грехми́ сердечная ми очеса́ осия́вающий.



**Ра́дуйся, я́ко тщи́шися напра́вити
мя на путь и́стинный, во тьме безза-
ко́ний блужда́ющаго; ра́дуйся, я́ко
предлага́еши ми за́поведи Господ́ня,
а́ки зерца́ло для всея́ жи́зни моея́.**

**Ра́дуйся, я́ко поставля́еши ми зако́н
Бо́жий, а́ки свети́льник нога́ма
мо́йма и свет стезя́м мо́йм; ра́дуйся,
я́ко словéс Ева́нгелия Христо́ва сла́-
дость послу́шати поуча́еши мя.**

**Ра́дуйся, я́ко учéнию Божéственного
Учи́теля моего́ и Го́спода несум-
не́нно véровати побужда́еши мя;
ра́дуйся, я́ко в повиновéнии уста́вом
святы́я Цéркве укрепля́еши мя.**

**Ра́дуйся, я́ко пра́вилом и преда́-
нием святы́х апóстол и оте́ц пока-
ря́тися наставля́еши мя; ра́дуйся,
я́ко во исповéдании святы́я и право-
сла́вныя véры утвержда́еши мя.**

Ра́дуйся, я́ко за сиé исповéдание и на



смерть готову ми быти убеждаеши;
ра́дуйся, яко еретиком и отступ-
ником истинныя Църкве сообщатися
возбраняеши ми.

Ра́дуйся, Ангеле Господень, неусы-
паемый хранителю мой.

Кондак 4

Буря моря житейскаго сокру-
шает духовный корабль мой волнами
мирских попечений, и мир убогия
души моя мятется, и где обрящу тихое
пристанище спасения? Токмо на ты по
Бо́зе возлагаю надежду, хранителю
мой Ангеле, яко премудраго ты корм-
чаго в мысленных бурях, смущающих
меня, стяжах; благодарственне убо пою́
Бо́гу моему: Аллилу́ия.

Икос 4

Слы́шаще и зря́ще ты, Божествен-
ный Ангеле, крепкаго моего блюсти́-



теля, злѡбнии дѹси поднебѣснии не смѣют приближитися ко твоѣй пречѣстей свѣтлости и душегубительныя ми пакости дѣяти. Сего ради смиренно молю́тя, не отступи́ от менѣ за невоздержаніе моѣ, но прѣсно от лукаваго тех ловленія и кѡзней соблюдай мя, со умилѣніем глаголюща:

Радуйся, крѣпким крѡвом крил твоѣх осеняй мя и покрывай; радуйся, ѡкрест менѣ с пламенным мечѣм прѣсно ополчайся.

Радуйся, протѣву князя тьмы во брани ми посѡбствуй; радуйся, лукавых его служителей побеждати ми помогай.

Радуйся, отгоняй от менѣ душепагубныя дѣмоны, аки хищныя птицы; радуйся, вразумляй мя бесѡвскія кѡзни познати, аки лукавыя лисѣцы.

Радуйся, зверообразная тех на ум



и сердце моё нападения отривая;
радуйся, порождения их: гордость
и ненависть, из сердца моего истор-
гаяй.

Радуйся, зависть и злопомнение от
мыслей моих прогоняй; радуйся,
во отражение злых помыслов
крестным знаменем себе
ограждати побуждаяй мя.

Радуйся, на аспида и василиска
небоязненно наступати укрепляй
мя; радуйся, имей непобедимое
оружие противу всех врагов моих.

Радуйся, Ангеле Господень, неусы-
паемый хранителю мой.

Кондак 5

Боготечней и лучезарней звездё,
путеводившей древле волхвы на
поклонение рождшемуся в Вифлеёме
Спасителю мира, дерзаю уподобити ты,



благій мѡй хранітелю: неотлѹчным бо и светонѡсным твоім ми спребываніем указѹеши ми правый путь, ведѹщий в Гѡрний Вифлеём, в Небѣсное Царство, да тамо с ліки Архангел и Ангел сподѡблюся воспевати превѣчному Царю славы: Аллилуія.

Икос 5

Відя мя нѡщію содержіма мрочною и тѣмным ѡблаком страстей покрываема, святій хранітелю души моя, не огорчійся, не остави мене, но подражая долготерпенію Спасителя моего, пожді ещё, возбуждая мя к покаянію, дѡндеже очеса моя излиют истѡчники слез на омѣтие душевныя нечистоты моя. О сем смиренно молю́тя и глаголю:

Радуйся, яко вѣну принѡсиши Бѡгу о мнѣ грѣшнем молитвы своя, яко кадїло пред Ним благовѡнное;



**ра́дуйся, я́ко прѣсно ходата́йствуеши
пред Созда́телем моѣм о ѣже
спасти́ся ми.**

**Ра́дуйся, я́ко пра́ведный гнев Егó,
двѣжимый на мя, своѣм предста́-
тельством отвраща́еши; ра́дуйся, я́ко
про́сиши всеми́лосердаго Го́спода
пода́ти прощѣние злы́х моѣх дея́ний.**

**Ра́дуйся, я́ко уми́лостивля́еши
Егó бла́гость, да не погуби́т мя со
беззако́ньми моѣми; ра́дуйся, я́ко
непреста́нно мо́лишися Иису́спи-
телю моѣму́, да да́рует ми вре́мя ко
исправле́нию.**

**Ра́дуйся, я́ко возбужда́еши мя
в пока́янии препрово́дити вся
дни живота́ моѣго́; ра́дуйся, я́ко
внуша́еши ми желáние, да вѣну
ка́юся пред Го́сподем во всех моѣх
прегреше́ниях.**



Ра́дуйся, я́ко вразумля́еши мя на вся́кое вре́мя мы́сленно себѣ испы́тывати и во гресѣ́х мо́их исповѣ́доватися; ра́дуйся, я́ко влага́еши в се́рдце моѐ сокруше́ние и ско́рбь, занѐ прогне́вах преблагáго Бóга моего́.

Ра́дуйся, я́ко побужда́еши мя опла́кивати окая́нное и сквѣ́рное жити́е моѐ; ра́дуйся, светно́сный и неумолка́ющий ходáтаю спасéния моего́.

Ра́дуйся, А́нгеле Господень, неусыпа́емый храните́лю мо́й.

Кондак 6

Проповѣ́дую велегла́сно прѣ́сное твоѐ, храните́лю мо́й А́нгеле, о мнѐ, грѣ́шнем, попече́ние; в ско́рбех бо и напáстех, я́же в сем мно́гомятѣ́жнем ми́ре смущáют мир ду́ш мо́ея,



явля́еши ми ся ско́рый утѣшитель,
вразумля́ мя, я́ко вся сия́ ниспосы-
ла́ются от премúдраго Создателя, áки
врачевствó протíву душéвных недúгов
мо́их, и поуча́я благоде́ющему сѣце
Небѣсному Врачу́ воспева́ти: Аллилúя.

Икос 6

Возсиява́ет в души́ мо́ей, омра-
ча́емей ско́рбию и уны́нием, свет благо-
дátнаго утешéния, и сѣрдце мо́е испол-
ня́ется весéлия и рáдости, егда́ непре-
ста́нными тво́ими, святы́й А́нгеле,
наставлѣнии возбужда́ем дерза́ю, я́ко
мыта́рь, вопѣти к ще́дрому Бо́гу, да
мѣлостив бúдет и простѣт ми прегре-
шѣния моя́. Не премолчи́ úбо, наста́в-
ниче мо́й, вразумля́ и укрепля́ мя,
зовúща ти:

Рáдуйся, помогáяй ми благѣй ярѣм
спасѣтельнаго терпѣния с любóвию
носѣти; рáдуйся, в бедáх и злоклю-



**чѣниих уповáнием на Гóспода Бóга
укрепляй мя.**

**Рáдуйся, скóрби и болéзни мýже-
ственне преодолева́ти мя поучáй;
ра́дуйся, всякую печáль и уны́ние от
сёрдца моего́ отгоняй.**

**Рáдуйся, протíву врага́, в сеть
отча́яния улови́ти мя хотя́ща,
бра́тися побужда́й мя; ра́дуйся,
словесём Апóстола, я́ко вси хотя́щие
благочéстно жи́ти гонíми б́дут,
вéroвати убежда́й мя.**

**Рáдуйся, о́браз терпéния и злостра-
да́ния прия́ти ми проро́ки
и Апóстолаы внуша́й; ра́дуйся,
на лик мýченик и исповéдник, за
Христá до излия́ния крóве своея́
подвизáвшихся, во утешéние ми
показу́й.**

**Рáдуйся, страда́ния Самаго́ Спаси́-
теля и Гóспода в́ну умным очесём**



моим представляй; радуйся, надеждою будущаго воздаянiя сердце мое услаждай.

Радуйся, всерадостным ожиданием вечных благ душу мою оживляй; радуйся, благий и присный мой утешителю.

Радуйся, Ангеле Господень, неусыпаемый хранителю мой.

Кондак 7

Хотяй всем человеком спастися, премилосердый Создатель мой послата, Ангела Своего, яко верна ми стража и пестуна добра во всем житий моем, да всюду вспомошествоуеши ми святыми твоими вдохновении, защищаеши противу козней диавола и предуготовляеши мя дела благими внити с мудрыми девами в Небесный Чертог, с Богокрасною песнию: Аллилуия.



Икос 7

Но́вую показу́ет бла́гость Господь
и Влады́ка мой на мне, непотрѣбнем
и па́че всех грѣшнейшем рабѣ Своѣм:
прези́рая бо лю́тая моя́ и тяжкая,
не погуби́л мя есть со беззако́нныи
мои́ми да́же до настоя́щаго дне и часа́,
но долготерпя́ на мне, ми́лостивне
ожида́ет моего́ обра́щения и серде́чнаго
покая́ния. Вѣрую, благи́й храните́лю
мо́й, я́ко твои́м прѣ́сным пред Бо́гом за
мя ходата́йством досѣле храни́м есмь;
те́мже, лю́бовию к тебѣ подвиза́емый,
взыва́ю:

Ра́дуйся, я́ко обурева́ющаяся мя
в мо́ри жития́ сегó от конѣчнаго
потопле́ния соблюда́еши; ра́дуйся,
я́ко из ро́ва беззако́нныи мои́х руко́ю
твоя́ по́мощи мя исхища́еши.

Ра́дуйся, я́ко грехо́вный сон душев-
ре́дныя моя́ ле́ности отряса́еши;



**ра́дуйся, я́ко ум мо́й, омраче́нный
небреже́нием, све́тлым тво́им
присутствием озаря́еши.**

**Ра́дуйся, я́ко хла́дное и ма́ло не
уга́сшее се́рдце моё моли́твами
воспламеня́ти ми помога́еши;
ра́дуйся, я́ко на славосло́вие Бо́жие
присно́ мя возставля́еши.**

**Ра́дуйся, я́ко настраи́еши глас мой
к песнопéнием, и́миже досто́йно
и пра́ведно есть хвали́ти Творца́ вся́-
ческих; ра́дуйся, я́ко поуча́еши мя
прославля́ти Го́спода моего́ не усты́-
то́чию, но и се́рдцем.**

**Ра́дуйся, я́ко ко исполне́нию пресвя-
ты́я во́ли Его́ возбужда́еши мя;
ра́дуйся, я́ко самоотверже́нию
и отрече́нию моего́ злы́я во́ли приоб-
учи́ти мя тщи́шися.**

**Ра́дуйся, я́ко глуб́ину, простоту́
и а́гнчу крото́сть стяжа́ти ми преис-**



кренне желáеши; рáдуйся, я́ко о́ еже
младéнческому незлóбию и стáр-
ческому доброрассуждéнию даро-
вáтися ми ходáтайствуеши.

Рáдуйся, А́нгеле Госпóдень, неусы-
пáемый хранíteлю мóй.

Кондак 8

Стрáнен и пришлéц ёсть на земли
сéй: житиé моё сýетно и маловрéменно
есть; аз же, окая́нный, смёрти
безвéстное во ум никогда́же приёмлю,
ни помышляю́ о Стрáшнем Суди́щи,
в нёмже ймам Пра́ведному Судий
предстáти и дáти отвéт о вся́ком дéле
же и слóве. Тёмже молю́ тя, души́ моя
хранíteля, возбуди́ мя скóро от сна
грехóвнаго, да не пости́гнет мя час
смёрти неиспáвленна и да сподó-
блюся испроси́ти от Семíлостиваго
Бóга беззакóнием мо́им прощéние и во



гласе ра́дования воспевáти Емú: Алли-
лúия.

Икос 8

Всех Госпóдь и Создáтель мой
егда́ назна́менует ми престáвитися
от жития́ сегó, ты, благíй хранíteлю
мо́й, провídaй грóзныя мýки, духовóм
злóбы и нераскáянным грéшником
уготóванныя и менé ожида́ющия,
покрýй мя твоегó милосéрдия крила́ми,
якоже орéл птенцы́ своя́, и внегда́ исче-
зáти от менé дýху моемú, да úзрю тя
близ менé предстояща и лютыя врагí
отгоняюща. О сем со умилéнием молю́
ти ся, вещáя сiце:

Ра́дуйся, úмным очесém мо́им
гóрький и стра́шный час смéртный
представля́й; ра́дуйся, я́ко неиз-
бе́жен, вкúпе же и безвэ́стен час той
прíсно ми напомина́й.



Ра́дуйся, на кійждо день áки ужé на послéдний жития́ моего́ взирáти мя поучáяй; ра́дуйся, на всякое врéмя ко исхо́ду во ин мир мя предуготовля́й.

Ра́дуйся, душе́вное умилéние и сердéчное сокрушéние во мне ражда́яй; ра́дуйся, в́ину желáяй ми, да понé при конч́ине дн́й мо́их пока́юся.

Ра́дуйся, люб́ити мир и я́же в м́ре ми воспрещáяй; ра́дуйся, пристра́стие к тлénному богáтству из сёрдца моего́ искореня́ти помогáяй.

Ра́дуйся, вся блага́ земна́я б́ити привре́менна и скоропреходя́ща ми показу́яй; ра́дуйся, я́ко вся красна́я м́ра сегó цвёту сéльному подóбна суть, вразумля́й мя.

Ра́дуйся, сла́вы челове́чи, áки тéни преходя́щия, искáти возбраня́й ми.



Ра́дуйся, А́нгеле Господень, неусыпаемый хранителю мой.

Кондак 9

Всяк грех содеях в житий сем и весь живот мой во мнозе претек суете, к концу приближихся; врази же мой устремляются на мя, алчуще пояти мя и низринути во глубину адову. Темже молю ти ся, благий мой хранителю, буди ми защититель, егда имаю преходити люта мятарства, и безбедно доведи мя до врат Небеснаго Царствия, идеже лица ангельстии радостне сретают восклицающих: Аллилуия.

Икос 9

Витийствующий язык не может изрещи, яже сотворил ми еси, святый хранителю мой, во всем житий моем: прияв бо душу мою от купели Святаго



**Крещёния, храни́л мя еси́ во младе́н-
честве, учи́л и вразумля́л еси́ во о́тро-
честве, соблюда́л мя еси́ от поползно-
вёния ко грехо́м в вóзрасте ю́ношестем,
наставля́л еси́, пришёдша мя в му́же-
ство, охраня́л еси́ на всех путёх мо́их
да́же до ста́рости, облича́я и утеша́я,
всю́ду помога́я и направля́я на путь
спасе́ния. Сего́ ра́ди благодарственне
вопию́ ти:**

**Ра́дуйся, я́ко никогда́же лишáеши
меня́ твоя́ пóмощи и заступле́ния;
ра́дуйся, я́ко от сна востаю́ща мя
подвизáеши ко благодарёнию
Го́спода, укрепля́ющаго си́лы моя́.**

**Ра́дуйся, я́ко нача́ток коего́ждо дне
моли́твою освяща́ти мя поучáеши;
ра́дуйся, я́ко воспрещáеши ми без
моли́твы к всеблагóму Промысли́-
телю, дерзнове́нно собо́ю что начи-
на́ти.**

Ра́дуйся, я́ко самонадéяние из



**сёрдца моего истребити тщйшися;
ра́дуйся, я́ко сладча́йшее и́мя
Го́спода Иису́са Христа́ усты́ непре-
ста́нно произноси́ти и во уме́
держи́ти мя побужда́еши.**

**Ра́дуйся, я́ко во вся́кое вре́мя ну́жная
то́чию и полёзная веща́ти язы́ком
ми внуша́еши; ра́дуйся, я́ко от празд-
носла́вия, многоглаго́лания, па́че же
кощу́нства мя удержи́ваеши.**

**Ра́дуйся, я́ко яду́щу и пию́щу ми
и́ли и́но что творя́щу прѣсно спре-
быва́еши; ра́дуйся, я́ко воздержáнию
в пи́щи и пити́и приобучи́ти мя
пече́шися.**

**Ра́дуйся, я́ко спя́ща мя храни́ши
и врага́, хотя́ща искуси́ти мя
со́нными мечта́нии, отгоня́еши;
ра́дуйся, я́ко воспяща́еши мя от
любостра́стнаго стремле́ния и во
о́чию моёю целомудренны́й стыд
влага́еши.**



Ра́дуйся, А́нгеле Господень, неусыпа́емый храните́лю мо́й.

Кондак 10

Спасти́ всех пришéдый, Иису́се мо́й преблагий, со уми́лением молю́ Ти ся: Твои́м милосéрдием прости́ мо́их злых премно́жество и безме́рие, преклоня́емый на сие Божéственными мольба́ми Твоего́ невещéственнаго служи́теля, егó же ми приста́вил еси́ из младе́нчества, я́ко Человеколюбец, храните́ля, да досто́ин явлю́ся вни́ти в черто́г сла́вы Твоея́ и со ду́хи пра́ведных воспéти: Аллилу́ия.

Икос 10

Стена́ твёрда прísно явля́еши ми ся, святы́й А́нгеле, проти́ву ухищре́ний зло́бных враго́в мо́их, и́щущих вéчныя поги́бели моя́ и расслабля́ющих ду́шу мою́ лéностию и самозабв́ением.



Молю ўбо ты, хранітелю мо́й, да твоім ходатайством сподоблюся при исходе душі́ моя́ из телесе́ прича́стник бы́ти Пречыстаго Тела́ и Святэйшия Кро́ве моего́ Спасі́теля, я́ко да укрепі́вся сею́ нетле́нною пи́щею и животво́рным пити́ем, безтре́петно пре́йдú во ин мир, воспева́я ты, моего́ благоде́теля:

Ра́дуйся, я́ко дана́ ти есть вла́сть и сі́ла отража́ти де́монская на мя нападе́ния; ра́дуйся, я́ко прия́л еси́ от Бо́га кре́пость на побежде́ние невидимых враго́в мо́их.

Ра́дуйся, я́ко от всяка́го злоде́йства и ко́зней диа́вольских могій изба́вити мя; ра́дуйся, я́ко го́рьких мыта́рств нача́льника, люта́го мироде́ржца нападе́ния от мене́ отрева́еши.

Ра́дуйся, я́ко, огражда́емый твоім прису́тствием, има́м наде́жду в час



смерти не устрашитися мрачных
лиц дѹхов злѡбы; радуйся, яко,
хранимый тобою, уповаю безбѣдно
прейтѣ воздушная мытарства.

Радуйся, яко укрепляемый твоєю
помощию, чаю не удержан быти
вне врат рая, ми вожделенного;
радуйся, яко твоѣ за мя предста-
тельство сильно есть пред Богом,
ѣже не ввержену ми быти во тьму
кромешную.

Радуйся, яко присно внушаеши ми
умилостивляти Господа слезами
покаяния, да избавлюся геенны
адския; радуйся, яко побуждаеши мя
день и ночь молитися, да не послан
бѹду со дѣмоны мучитися.

Радуйся, неотступный мой руково-
дѣтелю и пестуне; радуйся, крепкий
мой заступниче и скорый помощ-
ниче.



Ра́дуйся, А́нгеле Господень, неусыпаемый хранителю мой.

Кондак 11

Пение сие, аще и от усердия моего ти приносимое, святы́й хранителю мой, вем, яко не дово́льно есть ко изъявлению моего́ сердечнаго благодарения за вся благая, яже ми сотвори́л еси́ и не престае́ши творити да́же до сего́ дне и часа́; но и о сем молю́ ти ся, о́бщаго ми с тобо́ю Созда́теля умíлостиви, да на Стра́шнем Суде́ Своём шу́ия ча́сти изба́вит мя и сподо́бит со все́ми святы́ми воспевáти Ему́: Аллилу́ия.

Икос 11

Свети́льник мой угасе́, е́лея же благих дел, во е́же возжещи́ его, несть ми: и где обря́щуся аз, окая́нный, сном грехо́вным отягче́нный, егда́ пости́гнет мя внеза́пу полу́нощь, час кончи́ны



моея? Но да не услышу и аз, якоже юродивыя дѣвы, грѣзнаго гласа Жениха: «Не вем тя!» Помози ми, неусыпаемый хранителю мой, наполнити сосуды души моя елеем благих дел, паче же милосердия и смирения. Ныне же прими от мене сие пение:

Радуйся, Единого Господа имети в разуме присно ми внушаяй; радуйся, заповедь о любви к Немю, Преблагому, в сердце моем обновляяй.

Радуйся, любити Его, Создателя, всем умом и всем помышлением мя побуждаяй; радуйся, и к ближним искреннюю любовь мою богоугодну быти непрестанно ми напоминай.

Радуйся, любити их не словом или языком, но делом и истиною мя поучаяй; радуйся, во всех нуждах их помогати желание ми влагаяй.



Ра́дуйся, утешáти скорбя́щих, заступáти обидимых мя наставля́й; ра́дуйся, от имени́ своих уделáти бédным и неимúщим сёрдце моé преклоня́й.

Ра́дуйся, и дúшу мою, по зáповеди Спасителя, положíti за дрúги своя́ готóву ми бýти возбуждáй; ра́дуйся, закрывáяй очеса́ моя, ёже не зрéти ми прегрешéния брата́ моего́.

Ра́дуйся, не попущáяй ми осуждáти поползну́вшагося на грех блíжняго моего́; ра́дуйся, воспрещáяй ми я́ти véру оглагóльником клеврéта моего́.

Ра́дуйся, А́нгеле Господень, неусыпаемый хранíteлю мóй.

Кондак 12

Благодáть данá ти есть от Всемо́гущаго Гóспода, святýй покровíteлю



мо́й, е́же храни́ти мя на всех путѣх
мо́их, да не о ка́мень коего́ соблазна
преткне́тся нога́ моя, до́ндеже мя пред-
ста́виши Христу́ Бо́гу спасена, Ему́же
немол́чно вся Сѣ́лы Небе́сныя взыва́ют:
Аллилу́ия.

Икос 12

Пою́ твоё досточу́дное милосѣрдие
и мно́гое снисхожде́ние, быстро-
двѣжный у́ме, безплотный слуго́ Госпо́-
день: я́ко не гнуша́ешия грехо́вныя
моея́ смра́дности и не престае́ши
приноси́ти о мне, непотрѣбнем, святѣ́я
моли́твы своя́ ко святѣ́йшему престолу́
Триипоста́снаго Бо́га, е́же не поги́б-
нути ми во ве́ки, но Ца́рствие Небе́сное
насле́довати. Благоволи́ у́бо прия́ти от
душе́вных сокро́вищ мо́их приноси́мое
ти песнопѣ́ние:

Ра́дуйся, я́ко воспоми́нанием гряду́-
щаго гро́знаго Суда́ Бо́жия от грехо́в



мя отрѣваеши; радуйся, яко душу мою, аки невесту, ко срѣтению прекраснаго Жениха Христа предуготовляти возбуждаеши мя.

Радуйся, яко присно желаеши достойна мя сотворити брачнаго чертога Его; радуйся, яко вину учиши мя возжигати светильник души моея, да с мудрыми девами, душами праведных, вниду в онь.

Радуйся, яко греховныя одежды моея совлачитися побуждаеши мя; радуйся, яко в ризу непорочности и чистоты облещися ми способствуеши.

Радуйся, яко ходатайствуеши, да на Страшнем Суде Христо́ве одесную Его стати сподоблюся; радуйся, яко умоляеши благоутробию Божие, да лику избранных Своих сопричтет мя.



Ра́дуйся, я́ко подвиза́еши на моли́тву ко Го́споду и сожи́телей твои́х небесных, да вселит мя с ними во Ца́рствии Своём; ра́дуйся, до́брый и бо́дрый блюсти́телю мо́й.

Ра́дуйся, тёплый о мне, грешном, моли́твенниче и благи́й предста́телю; ра́дуйся, по Го́споде Бо́зе и Пресвяте́й Богоро́дице крёпкое моё упова́ние.

Ра́дуйся, А́нгеле Госпо́день, неусыпа́емый храни́телю мо́й.

Кондак 13

О пресла́вный и у́мный све́те, А́нгеле Бо́жий! Приими́ благода́рственное си́е и моле́бное пение, и егда́ има́м от земли́ воста́ти на суд, покажи́ тогда́ милосе́рдие твоё на мне грешнем: предста́ни близ мене́ тих и ра́достен, наде́жду спасе́ния отъёмля страх



**мой, да в селѣниих райских сподоблюся
вкупѣ с тобою во вѣки векѡв воспевати
превѣчному Царю славы: Аллилуія.**

Этот кондак читается трижды.

Икос 1

**Ангеле святѣй, посланный с Небесѣ,
во еже хранити мя и руководити во
всей жизни моеѣ, припадая молю ти ся:
сам настави и вразуми мя, начинающа
от сердечныя любве и усердия возгла-
шати песенныя ти хвалы:**

**Радуйся, Ангеле Божий, предста-
телю мой у Пресвятыя Троицы;
радуйся, Царя царствующих
безплотный воине.**

**Радуйся, Господа господствующих
небесный слугѡ; радуйся, умных
и невещественных слуг Его сожиг-
телю.**

Радуйся, творяй присно волю



**Вла́дыки своего́; ра́дуйся, прие́мый
от Бо́га повеле́ние и власть храни́ти
ду́шу мою́.**

**Ра́дуйся, никогда́же отлуча́йся
мене́ грéшнаго; ра́дуйся, в́ину спре-
быва́яй ми недостóйному.**

**Ра́дуйся, соблюда́яй мя на всех путéх
мои́х; ра́дуйся, сохраня́яй мя от
всяка́го зла.**

**Ра́дуйся, от Бо́га да́нный ми руко-
водителю́ на путéх жития́ моего́;
ра́дуйся, благо́й наста́вниче мой.**

**Ра́дуйся, А́нгеле Госпо́день, неусы-
пае́мый храни́телю мой.**

Кондак 1

**Избра́нный от Го́спода Бога на
хране́ние ду́ши моя́и телесе́, святы́й
А́нгеле, похва́льная ти воспéти дерза́ю,
недостóйный раб твой; ты же, я́ко**



имѣяй дерзновѣние к Царю́ Небѣсному, от всякихъ бед и скорбѣй, от врагъ вѣдимыхъ же и невѣдимыхъ защити́, зову́ща:

Ра́дуйся, А́нгеле Господень, неусыпаемый хранителю мой.

Молитва Ангелу Хранителю

О святѣй А́нгеле, хранителю и покровителю мой благѣй! С сокрушеннымъ сѣрдцемъ и болѣзненною душо́ю предстою́ ти, моля́ся: услыши мя, грѣшнаго раба́ своего́ (имя), с воплемъ крѣпкимъ и пла́чемъ го́рькимъ вопиющаго; не помяни́ моихъ беззаконий и неправд, ѣмиже азъ окаяннѣй прогневлѣю́ тя во вся дни и часѣы, и мѣрзостна себѣ творю́ предъ Создателемъ нашимъ Го́сподемъ; явѣся мнѣ милосѣрд и не отлучѣйся менѣ сквѣрнаго да́же до кончи́ны моея́; возбуди́ мя от сна грехо́внаго и посѣб-



ствуй твоими молитвами прочее время живота моего без порока преити и сотворити плоды достойны покаяния, паче же от смертных падений греховных соблюди мя, да не погибну во отчаянии и да не порадуется враг о погибели моей. Вем воистинну и усты исповедую, яко никтоже такъв друг и предстатель, защититель и поборник, якоже ты, святыи Ангеле: предстоя бо Престолу Господню, молишися о мне непотребнем и паче всех грешнейшем, да не изымет Преблагий души моя в день нечаяния моего и в день творения злобы. Не престай убо умилоствляя Премилосердаго Господа и Бога моего, да отпустит согрешения моя, яже сотворих во всем житии моем, делом, словом и всеми моими чувствами, и имиже весть судьбами да спасет мя; да накажет мя zde по Своей неизреченней милости, но да не обличит и не



истяжёт мя онамо по Своему нелицеприятному правосудию; да сподобит мя покаяние принести, с покаянием же Божественное Причащение достойне прияти, о сем паче молю, и такового дара всеусердно желаю. В страшный же час смерти неотступен буди ми, благий хранителю мой, прогоняя мрачныя демоны, имущия устрашити притрепетную душу мою; защити мя от тех ловления, егда имаю преходити воздушная мытарства, да храню тобою, безбедно достигну раями вожделеннаго, идеже лица святых и Горних Сил непрестанно восхваляют всечестное и великолепое имя в Троице славиимаго Бога, Отца и Сына и Святаго Духа, Емуже подобает честь и поклонение во веки веков. Аминь.



Величание

**Велича́ем вас, / Арха́нгели и А́нгели
и вся во́инства, / Херуві́ми
и Серафі́ми, // сла́влящия Го́спода.**





Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю ←
	3:00, 9:00, 15:00, 21:00	прп. Сергию Радонежскому
<hr/>		
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
<hr/>		
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
<hr/>		
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
<hr/>		
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
<hr/>		
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	За единоумершего
	3:00, 9:00, 15:00, 21:00	Б. М. «Казанская»
<hr/>		
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё